

亡友錄  
全

004988-000-8

281-Ka691b

亡友錄

勝安芳 / 編

M22

ACE-1765



281.

Ka691b

宮島栗香示余以勝君海  
 舟所編亡友帖之凡十七通手  
 翰十詩三書畫一畫贊建  
 言附末一每帖皆錄其原文而  
 繫跋語于後以寓感舊歎逝



336554

之義莊周云始无有既而有  
生之俄而死以无有为首以生  
為體以死為尻孰知有无死  
生之一守者吾與之為友其勝  
君斯帖之意歟嗟乎勝君之

友亡且三十年於人生為一世  
尚猶惓惓不忘如此況於其  
國也哉

大清光緒十五年歲次己丑  
八月黎庶昌拜跋



亡友錄

目次

佐久間象山先生詩一章 手翰一通

附吉田虎二郎君手翰一通

島津齊彬侯 世稱順聖公 手翰一通

山內容堂侯瓢畫一葉

桂小五郎君 後木戶孝允公 手翰一通

附建言

小松帶刀君手翰一通

橫井小楠先生手翰二通 書一葉

大島吉之助君 後西鄉隆盛手翰一通

廣澤兵助君手翰一通

八田知紀翁手翰一通 畫贊一葉

西鄉君詩二章

亡友錄

送 吉田義鄉

之子有靈骨久厭斃薨群奮衣萬里道心事未語人  
雖則未語人忖度或有因送行出郭門孤鶴橫秋旻  
環海何茫茫五州自為隣周流究形勢一見超百聞  
智者貴投機歸來須及辰不立非常功身後誰能賓

象山平啓

平啓  
之印

佐久間象山先生手書

前數日聞有郵使肅修蕪牘後知誤傳是以遷延未呈二十三日遞接此月十三日惠函環誦敬悉伏審秋氣蕭爽闔府勝安頌抃并至僕頑健如恒頗慰關念承示云天下形勢彌覺危險盡邦憂民蓋忱懇摯溢於楮墨感佩何似僕亦越俎痾懷時難欲協和朝幕之際轉禍爲福反敗爲功自謂籌之極熟唯在上之用舍如何要之天下無不可爲之事唯患乏其材

耳橫覽東西人才銷耗豈勝浩嘆垂詢僕蒙朝徵既具另函賜閱爲幸又聞金川鎖港近將定議措辭如何深以爲懼嗚呼蕭牆分崩禍害鼎沸不知要路諸公能運宏謨匡濟時艱躋斯民於賡和恬熙之治乎伏惟使君素負重望宜爲億兆生靈糜軀徇公發揮大公闡昭王道翼輔皇綱天壤無窮而德川氏顯統傳於悠遠久而益昌非君誰望哉僕私抱遠圖期見施設語曰機事不密則害成故畧載於此若得徵用



將爲天下萬世披瀝肝膽決不爲愛軀以背清議也  
使君將以月杪或次月初筴抵役大坂天假良緣瞻  
對光儀罄竭愚悃質正高明不勝多幸今夕遣門下  
齊書以呈隨時綢繆善自愛重

八月二十五日

勝使君 台下

啓拜手

再白時氣欠順疫癘流行然多愈不似客歲橫  
罹酷禍者緣醫工較精奏効得力負天下望者

慎加攝養焉

另函所托務煩尊量處措并祈傳諭貴門下及  
貴紀綱爲幸

吉田虎二郎君手書

大人閣下蒙賜手書環誦再四感銘重德刻鏤肌骨  
鄙衷鬱結纏綿萬端斷非筆墨所能悉道敬承尊諭  
及福原君亦有指導飲水一杯并食乾柿一伏惟寬  
懷焉茲奉蕪牘并呈隨錄伏冀賜鑑言不盡意千萬

亮察

二十五日夜

岡部等各友書由桂小五郎送到叔父之言僕未見之也

跋象山先生送吉田君行詩

安政五年正月美利堅軍艦來請通市海內騷然幕府令真田侯防衛橫濱以備不虞先生應侯延聘實襄機務六月先生門下士萩藩士吉田虎次

郎竊懷遠游海外以察形勢抵下田港遣書美艦求同載而去美人不聽事露就逮吏檢行裝得先生送行詩坐而下獄先生博學多識才兼文武末技微藝無不洞曉爲人英邁不群傑視一時有獨步宇寰之概余修士相見禮即知先生爲天下偉器締契良好受益不少惜乎以先生之才崎嶇時扼不畢大用晚年罹禍而逝非唯同志興嘆實爲天下哭焉使先生在當爲昭代碩輔百世師表而

不及於此豈非天哉

島津齊彬侯手書

幸藉雁便敬布愚悃欣諭履祉康勝抃慰何似前蒙惠屈藉遂良晤款曲不備深爲抱慚側聽高談如發矇瞶爾後咨詢蘭人盡得要領敬謝不罄私期五月之際遣家臣并派火輪船練習駕駛之術祈足下周旋尹監察等各官之間使偕鄙懷敬布心腹敢爲托

馬且歐鎗五百捍自兩三年來稟請交附至今未蒙允許頃接訓令嚴修海防而所請概棄不顧豈口言防務不講實事乎僕之滋惑不亦宜乎祈足下同心審慮代達要路而利施行不任感抃

密啓京師動靜想亦諒悉也頃聞朝廷再頒旨三親藩及列藩各上籌議以便詔定以三月二十日旨達備中竊揆朝旨若主攘外如採擇不達海外事情不權世變孔丞徒憤通和爲辱國體淺謀輕動乏於勝

籌者或處士喜事冀寵干祿抵掌肆談者之言議見諸施措洵可爲痛嘆何者京師公卿高談析理綽乎有餘而臨事能斷制變釋難非其所長非士不能勝任也萬一朝旨主攘躁慮之士競進輕動果遭挫敗氣衰志折必將就和則損威辱邦莫甚焉是僕所深懼若蒙朝旨垂詢須瀝情以沃聖心焉際此孔艱防務不可一日苟緩如洋銃實屬利器宜俯順所請急賜交附以固邊疆曠日遷延實害機事嚮欲促請於

尹尋思凡事皆稟江戶非尹所能專斷故爲遲之然備禦干城究屬急務况今日乎請幸留尊意以慰渴望也又請此後台旌惠臨幸賜豫示如前日羣衆聚觀殊爲喧鬧須設法禁止也且圖書氏同來否亦祈密示新築礮台圖將成當呈左右伏冀傳詢蘭師究其得失此外由家臣面悉請諒焉不宣

四月十一日

勝麟君

薩州

再白時氣欠順爲國自愛聞伊澤氏歸東台旌  
猶駐否伏請垂示

跋右手書


安政五年余請荷蘭海軍教師航行遠洋涉重險  
以資練習此年巡歷九州沿海而入薩摩山川港  
時侯適游此浴溫泉焉聞余至單騎來接握手勞  
問款待渥摯喜動於眉余深感侯知遇之隆約再  
抵鹿兒島公曰自今國事機要亟詢足下足下密

之勿使他人窺探以生是非是實爲足下圖萬全  
也嗣後屢賜手函皆係國家深計當世樞務及藩  
邦守禦臣工舉措等披襟咨問懇切沉摯毫無矜  
貴挾尊之意如鹿兒島築礮台方畧練兵利害皆  
經余傳詢蘭師侯嘉納之以資考據云  
侯誕質醇和天縱傑邁神情整秀溫乎其容可親  
丰姿峻然凜乎其威不可犯雅度恢廓宏規淵廣  
視善若驚無執成見有籠絡一世之慨余也顧慮

當時追撫往事竊謂鹿兒島英才輩出經略大業  
非侯薰陶培養安能至此維新元功推公爲首誰  
曰不可如侯碩量洵非常人所能忖度也惜天不  
假其壽非爲公傷悲實痛國家無窮之災耳

跋山內容堂侯題瓢圖

文久三年春將軍入覲京師三月松平慶永侯同  
余航海入朝歸經下田港適會容堂山內侯航海  
入京而泊此邀余詢京畿動靜余具陳所知且請



Handwritten text in Chinese characters, likely a title or description, located in the central area of the diagram. The characters are arranged in a roughly horizontal line, with some characters appearing to be '子' (child) and '子' (child) on the right side, and '一' (one) and '十' (ten) on the left side.

侯曰尊藩士喜事過激獲罪亡命者甚多坂下龍馬等九人潛匿臣舍臣不敢不以實告語曰楚材晉用非邦之福也冒犯嚴譴實由忠藎幸垂寬宥否則托臣處置勿急速索望外之幸也侯舉巨觥屬余手取酒瓢而滿注之曰且盡此酒余將告汝余強飲盡之侯撫手大笑曰如渠等一任君意勿涉於過激余不敢問也余曰侯醉中所約難以措信請得瓢以爲據侯益笑即取墨池揮筆題字爲



左券此瓢是也侯外貌瀟灑襟度豁達固一時之傑也雖係戲謔亦可以概見平生矣

桂小五郎君手書

後稱木戶孝九

敬啓濶問久矣尊範協榮爲邦勵猷懽抃何似頃旌進京小駐僕馳驅效駑未能奉謁伏請恕之聞對藩將以廿七日蒙頒朝旨二十五日夜僕發京時大島密告之且囑轉告閣下抵阪後瘁勞于事不得登

門今早趨訪閣下昨夕赴兵庫王事靡盬參商奈何僕有機事仍還京不能伏候瞻對面罄殊爲可憾大島來謁在近伏請煩聽竊觀我邦形勢日趨艱危前日京師之變浩嘆何已外寇方熾內情先起神州禍毒慘酷極矣務冀早定國是確持根要以濟巨艱救民塗炭也懷抱萬端言不多及頓首百拜

五月念九

勝先生虎皮下

小五郎

又

建言小倉之事夙夜撫心實爲至憾然忍而不言旁觀者以爲甘受夷狄狎侮封內士民激昂憤懣終至潰決不可收拾則神州安危之機關焉決非小故也况前經宸斷蒙允建言時事而宰相父子自去歲來深林殊寵日擊巨艱苟偷因循自伍庸常非所仰報厚德而效蓋誠也然要其歸非天下一致不能匡濟唯事由小倉不言之恐負世議實出於無已幸諒焉

跋右手書

文久三年三月桂君訪余大坂旅寓縱談警備攝海及防禦沿海之術余告之曰對馬島形勢尤殆且當要衝精練海軍經畧此島控禦邊疆基楚旣固乃入高麗應變處機咸得其宜也不當今時熟慮將來徒囿成見兄弟內侮將貽害無窮君深然余言約獻議於朝而去書所稱大島某對馬藩士參其藩政者也此年九月有京師變嚴禁長藩士

入京長藩士在京者相率而走長藩執事根來上  
總抵大坂控訴藩情於幕府君亦冒險危蹈患難  
抵坂欲陳事情此月二十一日微行抵余寓具道  
其故且示上幕府書余感其赤誠爲轉達之併陳  
愚見於閣老皆不見聽而余亦蒙譴東歸矣

小松帶刀君手書

敬啓薄暑拂襟興居多慶無任頌禱頃因堀平右衛

門抵京蒙頒惠函且寵賜佳什厚誼摯愛鳴謝無罄  
承示時艱日深不可救藥近聞貴處輿情頗擾不知  
日後定局如何遙馳關懷如懸旌然此地無事唯待  
將軍入覲處置變法攘夷耳不知果能行否聞先生  
屏居優游詩人賦白駒在谷可發浩嘆弟今日發軔  
歸閭將贊藩政培植根本也倚裝慳惚言不多及餘  
讓堀君口悉俟弟抵廬更當詳覆忽々不備

四月念二

副白隨時愛護自重爲禱聊呈不腆伏請笑留  
馳筆潦草併祈涵容不備

安房守閣下

帶刀拜

跋右手書

小松氏薩藩顯閥之士也贊襄藩政匡益時務當  
海內鼎沸驅馳東西翕然爲衆所嚮服稟性寬厚  
納物攬要而識度高邁洞察事機非尋常士大夫  
所能希其後塵也丁卯冬將軍特徵君及土佐藩

士後藤君詢以大計嘉納二子之言還政之議決  
云

橫井小楠先生手書

敬啓殘暑猶威足煩襟度伏審履祉康綏欣抃曷旣  
頃京師變作旋就蕩平緬懷將來蘊憂實深長藩一  
敗塗地不異兒戲眞可一笑耳足下航海機熟高明  
宜有所陳請薩藩大隅侯入覲於京敝藩良之助亦

入京薩肥二藩釋嫌固歡實爲悉宜二藩力主以翼足下航海之志列藩亦將靡然嚮風矣薩藩士高崎猪太郎兼程入京過訪敝廬詳談事宜又敝藩長谷川仁右衛門爲良之助從士長而入京此人實爲敝藩出群之才僕摯交深契臨行具諭敝懷趨謁台旌幸垂接納焉托二士代伸鄙衷伏請察之事勢遞變朝暮不定今日所善明日則否眞不可逆度臆計也今就現事聊述所思請察焉

薩藩持議確定毫無疑惑是僕所洞察而熟知也請寬襟焉(此事甚多曲折非筆墨所能悉道)茲陳概略餘讓面晤不宣

八月六日

安房守閣下

橫井平四郎

追白溽暑未消務請愛護賤息駑鈍蒙問增慚又同人手書

欣接前月十一日惠緘伏審光儀清穆榮問日流抃

慰何似承示慙懃肝膽照人敢不盡愚悃以副下問  
哉且承諭閣下復膺顯用勤邦宣猷具見蓋忱許國  
勵節歲寒延領望風翹仰實深唯尊藩人才乏於智  
識力主征長陷於坐困今也將軍晏駕老師無功艱  
難屢至安危之機迫於呼吸矣橋公固辭繼統其意  
安在皇天眷祐我神州必立賢君更始方新變危爲  
安必無疑也若不然分裂爭雄禍起蕭牆則災害慘  
酷不可救止在天意如何耳

越老公復出視事洵爲時之棟梁急流底柱也願君  
奮勉壯圖以效馳驅爲深禱焉頃使毛受鹿之助代  
陳鄙悰至今旣歸往事敝藩將遣使陳藩議所嚮也  
茲畧奉覆餘須再述不宣

八月三日

安房守閣下

橫井平四郎

再白小倉之事已達尊聽矣前日宮川小源太  
抵坂趨謁左右陳敝藩近情證之助良之助日

就長進議論明晰實足快懷也薩藩交誼摯親  
無嫌伏請諒焉

跋右手書

慶應二年六月余待罪屏居遽有命抵大坂七月  
將軍晏駕痛悲心碎非言能罄而時事日艱不可  
挽回憂憤鬱結不知所出竊遣使就教先生此書  
即先生所答也嗚呼藏此備覽五六載矣追憶當  
時不勝感慨係之

天竺  
真花

檀友

小楠  
堂主

跋橫井先生養花天真書

先生不負豪邁之姿稟賦溫厚英敏超群在肥後藩鬱拂不得志或逍遙郊野垂釣川溪或勤求遺老訪尋儒彥終日清談毫無倦色賦詩論文盡歡而去老樵田農皆喜就先生而先生樂與之接循々勸導呢々誘掖其意欣々然也雅度高潔冲懷絕塵如此而橫罹慘禍以逝實可愴傷呼嗚朝廷若求顧問之士資性和易才略優衆如先生其庶

幾焉

大島吉之助君手書

後稱西鄉隆盛

履祉康勝頌仰并臻弟有機事面覲密商今早抵坂伏祈約示走訪何處尊寓并幾刻晤謁敬候覆音

九月十一日

勝安房守閣下

薩藩士大島吉之助

跋右手書



元治元年九月大島氏訪余大坂逆旅君曰征長之役群議紛紜猶築舍道旁三年不決聞關東近有騷擾之虞際此艱危非有遠猷宏略國家之事未可知也蓋聞通大體者不徇細節要之事有一是而已苟建不朽之業成經國之務非有卓識洞鑒剛毅果斷必不能成也今侯伯顯要猶豫狐疑闕茸拘俗不達大體而欲禁禍亂於幾微制土崩於未萌豈得乎哉言畢大笑余常謂先生蓋世之

雄也

廣澤兵助君手書

固執一人偏見終成跋扈之勢何以撫服萬姓哉緬懷將來殊深焦慮兵介撫躬思愆慚愧並至如○○既屬異材量與超擢任於辨官爲展驥足○○公亦以爲然須推選以資鼓舞也○○○瓦解殊足憂慮遙維尊襟勞思馳系彌深敬覆

八月十五日

廣澤君寄余書散佚不存乃錄君顯貴後與某侯書以代焉

跋右手書

慶應元年余奉使長藩九月抵嚴島與萩藩士廣澤君等四人會商君進退肅敬辯論精詳余竊服君識量超邁練達時務議諧乃解各藩兵歸就其封

初幕府頒再討長藩之令天下非之師衆離心怨讟載途而有司固執謬見不回及將軍晏駕形見勢屈無策措手自是廣詢輿論以決事余復職以來建言管見大忤權貴猜疑滋起矣嗚呼戎國之大事况暴師載餘耗竭財用窮黎窘蹙號昊嗟咨徒洩抵排同屬之憤不顧疲勞邦內之禍罪在誰躬可以爲後車之鑑矣

西鄉吉之助君手書

後稱西鄉隆盛

拜誦芳翰敬審台駕惠臨田町僕當遵諭走晤伏祈  
少待不悉頓首

三月十四日

安房守閣下

西鄉吉之助

跋右手書

戊辰三月官軍先鋒抵品川君以先鋒參謀實督  
軍務將以十五日進攻江戶城十四日余如高輪

薩藩第遣書會晤君即欣然從一僕來迎謂余曰  
時事至此君果窘蹙否余對曰非君異地而處則  
不能悉余心計也君聞言矍然絕倒云

八田知紀翁手書

敬啓欣諭尊履清穆頌慶無已昨謁高明傾蓋如故  
感佩摯誼洵不淺也拙著小冊前呈鈞覽聊述管見  
以資省閱非敢有意質正於當世碩賢也嚮肆胸臆

退增慚惶伏請恕焉頃惠手箋下問慙懃何君子愛人之博一至此哉既蒙不棄踴躍自喜有據鞍顧盼自壯之意惟頽齒衰景艱於步履不能屢登門墻親炙妙論故以書陳其固陋夫國歌之道論者紛紜譬猶劒法劒刃淬霜斬斷擊刺利則利矣謂之名劒未也所謂名劒有靈妙存焉調句諧聲謂之歌可也然使人傳謠不倦則在調句諧聲之外矣歌能傳謠始有靈機謂之善歌推行斯理施政亦然施政者偏執

理法欲強行之必拂人情不能行遠迹雖公平實戾世務猶作歌調句諧聲而不能傳謠歌能傳謠必待成熟施政行遠必經練達是不易之道也愚嘗熟慮立法之本蓋有大理小理第一義第二義之區別焉造化由大理行大道以生成萬物所謂擅萬古不易之大利也支那聖賢之道專講當世常理以究當世利害終至亡國似乎不考得萬世大利而以得當世小利自足也歐洲窮理研究第二義之常理未達立

機妙好劍之斬斷而不識靈妙焉英國隱士巴里斯獨超常流唱道玄理以憂時人不研究蘊奧可謂特識之士也蓋歐洲各國開紀日淺駸々然至於強富猶朝旭耀空時運所然盛衰有數物極則反其理昭然不可惑也故在今爲政必審其勢精擇行之猶作歌可使傳謠靈機活動然後可以經遠行久也凡百事理徒窮當世小利如作歌調句諧聲形模神亡則背於造化大經不能享大利也愚有感於此以著大

理論遠贈巴里斯普路邊基等聞普氏錮信宗教似未能達理巴氏橋道飶味庶幾同志乎略馳瞽辭披陳愚忱所謂盲者當港不避蜿虺而世所指爲病瘋也昨誦寄賜高崎並僕尊什有云我心孔懷兮世變如何深契鄙衷不能緘默輕瀆尊嚴不知忌諱伏請海涵焉恐惶頓首

十月十三日對燈書之

安房守閣下侍史

八田知紀

追白時氣欠妥伏請爲國自重清暇辱臨小松  
第爲幸不宣

此書請勿傳示外人爲禱

前呈拙著大理論經義大意敬請批閱今僕暫  
歸鄉閩而再賦入洛若賜尊批在抵京後可也

跋右手書

戊辰五月官兵圍余第發砲拔刃而入奪兵械等  
余在外得免蓋有東台變物情騷擾官兵誤舉及

水の流るる

水は流るる

水は流るる

水は流るる

水は流るる

水は流るる

水は流るる

水は流るる



此々時幕府群士猜疑余心日夜窺隙今遭官兵  
襲攻前跋後蹙不知所出唯有家居以觀事定耳  
六月大久保小松兩君東下小松君過訪余曰都  
下事宜一以任君朝廷推心於君無以懷疑也談  
涉時務君介八田知紀翁見余翁出示所著書中  
所論高妙邁群足滌塵襟茲錄翁所寄函亦足以  
知其梗概矣

老圃殘黃菊風霜獨不禁正如陶靖節彭澤宦餘心



題殘菊

武邨吉

明治六年奉 勅到于鹿兒島先生訪余旅舍談  
笑揮毫歡甚矣偶誦舊詩愴然為錄于此因想疇  
昔真如隔世

十年初冬

海舟

白髮衰顏非所意壯心橫劍愧無勳百千窮鬼吾何  
畏脫出人間虎豹群

南洲

書南洲西鄉翁絕命詩後

丁丑二月鹿兒島亂方發翁時出獵于大隅山急  
報來告翁將歸有所處途憩肥後氏偶有童子習  
字翁把其筆一詠一揮乃此幅是也爾後翁不復  
吟詠不復把筆云肥後氏知余與翁之交頃特割  
愛見贈噫是實翁之絕筆又可以作翁之絕命詞  
也至今誦之感慨之情何堪

明治庚辰晚冬

海舟勝安芳誌

明治廿二年十一月十一日印刷  
明治廿二年十一月十二日出版

定價金三十錢

版權  
所有

著者 勝安芳

東京赤阪區水川町四番地

發行者 大橋佐平

東京日本橋區本町一丁目十二番地

印刷者 宮本敦

東京々橋區銀坐二丁目十二番地

發兌元 博文館

東京日本橋區本石町三丁目十六番地

